



Број: 01/4-50-3-4-53/17

Сарајево, 12. 10. 2017.

Z A P I S N I K

53. sjednice Komisije za finansije i budžet Predstavničkog doma Parlamentarne skupštine BiH, održane 11.10.2017., od 11,00 do 12,45 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Mirsad Isaković, Jasmin Emrić i Damir Bećirović.

Sa sjednice su odsustvovalе Aleksandra Pandurević i Dušanka Majkić.

Sjednici su prisustvovali i: Borislav Bojić, poslanik u Predstavničkom domu PSBiH, Gordana Tadić, vršiteljica dužnosti glavnog tužioca, Izet Odošić, zamjenik glavnog tužioca, i Zdenka Tomić, rukovoditeljica Materijalno-finansijskog odjela Tužilaštva BiH, Sanja Jokić, sekretarka Ministarstva, Vlatko Dugandžić, pomoćnik ministra, Sehija Mujkanović, pomoćnica ministra, i Amela Hasanbegović, šefica Odsjeka u Ministarstvu finansija i trezora BiH, Ranko Krsman i Jasmin Pilica, zamjenici generalnog revizora, Dragoljub Kovinčić, rukovodilac Odjeljenja za razvoj, metodologiju i kontrolu kvaliteta revizije, Samir Mušović, savjetnik u Projektu USAID SGIP, Robert Vidović, sekretar Komisije za finansije i budžet Doma naroda PSBiH, Sena Barjaktarević, rukovoditeljica Istraživačkog sektora Sekretarijata PSBiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Bojan Milošević i Kerim Hujdurević, volonteri u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su, također, prisustvovali i predstavnici medija: Aida Kovač, novinarka FENE, Snežana Samardžija, novinarka SRNE i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje zapisnika 50. i 51. sjednice Komisije;
2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Borislav Bojić);
3. Razmatranje revizorskog izvještaja o finansijskom poslovanju Tužilaštva BiH za 2016. godinu (izvjestilac: Amir Fazlić);
4. Razmatranje Izvještaja o izvršenju Budžeta institucija BiH i međunarodnih obaveza BiH za 2016. godinu (podnosilac: Predsjedništvo BiH);

5. Razmatranje Izvještaja o finansijskoj reviziji izvršenja Budžeta institucija BiH za 2016. godinu (sačinilac: Ured za reviziju institucija BiH);
6. Razmatranje Informacije o raspodjeli i korištenju sredstava tekuće budžetske rezerve za period januar – juni 2017. godine (Ministarstvo finansija i trezora BiH);
7. Upoznavanje s Godišnjim planom Ureda za reviziju institucija BiH za 2017./2018. godinu (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje zapisnika 50. i 51. sjednice Komisije

Zapisnik 50. sjednice Komisije usvojen je jednoglasno, bez primjedbi.

Zapisnik 51. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Borislav Bojić)

Prijedlog zakona o izmjeni Zakona o plaćama i naknadama u institucijama BiH obrazložio je predlagač Borislav Bojić.

Potom je predsjedavajući otvorio raspravu u kojoj su učestvovali: Salko Sokolović, Jasmin Emrić, Predrag Kožul i Sehija Mujkanović, pomoćnica ministra finansija i trezora BiH.

Nakon rasprave, Komisija je jednoglasno prihvatila principe Prijedloga zakona o izmjeni Zakona o plaćama i naknadama u institucijama Bosne i Hercegovine.

Ad.3. Razmatranje revizorskog izvještaja o finansijskom poslovanju Tužilaštva BiH za 2016. godinu

Izjestilac za ovu instituciju bio je Amir Fazlić.

Na pitanja izvjestioca po revizorskom izvještaju o finansijskom poslovanju ove institucije u 2016. godini u ime Institucije odgovarala je Gordana Tadić, vršiteljica dužnosti glavnog tužioca Tužilaštva BiH.

U toku izjašnjavanja učestvovali su: Amir Fazlić, Damir Bećirović, Predrag Kožul, Jasmin Pilica, zamjenik generalnog revizora u Uredu za reviziju institucija BiH, i Gordana Tadić, vršiteljica dužnosti glavnog tužioca Tužilaštva BiH.

Na prijedlog predsjedavajućeg, Komisija je jednoglasno objedinila raspravu o tačkama 4. i 5. dnevnog reda 53. sjednice Komisije za finansije i budžet Predstavničkog doma PSBiH.

Ad.4. Razmatranje Izvještaja o izvršenju Budžeta institucija BiH i međunarodnih obaveza BiH za 2016. godinu (podnosilac: Predsjedništvo BiH)

Ad.5. Razmatranje Izvještaja o finansijskoj reviziji izvršenja Budžeta institucija BiH za 2016. godinu (sačinilac: Ured za reviziju institucija BiH)

Izvještaj o izvršenju Budžeta institucija BiH i međunarodnih obaveza BiH za 2016. godinu obrazložio je Vlatko Dugandžić, pomoćnik ministra finansija i trezora BiH.

Izvještaj o finansijskoj reviziji izvršenja Budžeta institucija BiH za 2016. godinu obrazložio je Jasmin Pilica, zamjenik generalnog revizora u Uredu za reviziju institucija BiH.

Potom je predsjedavajući otvorio raspravu u kojoj su učestvovali: Damir Bećirović, Jasmin Emrić, Predrag Kožul, Salko Sokolović, Vlatko Dugandžić, pomoćnik ministra finansija i trezora BiH, i Jasmin Pilica, zamjenik generalnog revizora u Uredu za reviziju institucija BiH.

Nakon rasprave Komisija, s tri glasa „za“ i tri glasa „protiv“, nije prihvatila Izvještaj o izvršenju Budžeta institucija BiH i međunarodnih obaveza BiH za 2016. godinu.

Komisija je potom jednoglasno prihvatila Izvještaj o finansijskoj reviziji izvršenja Budžeta institucija BiH za 2016. godinu.

Također, Komisija je jednoglasno usvojila sljedeće zaključke:

1. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da najkasnije do kraja januara 2018. razmotre Izvještaj o finansijskoj reviziji izvršenja Budžeta institucija BiH za 2016. godinu te da, u skladu sa svojim nadležnostima, zajedno izrade program aktivnosti i mjera koje će biti preduzete u pravcu prevazilaženja nedostataka u poslovanju prezentiranih u ovom revizorskom izvještaju i preventivnih mjera kojima će spriječiti ponavljanje istih nalaza revizije u narednim izvještajima revizije. Navedeni program aktivnosti i mjera treba biti javno objavljen najkasnije do kraja februara 2018. godine na internetskim stranicama Vijeća ministara BiH i Ministarstva finansija i trezora BiH, a njegovu kopiju obavezno je u navedenom roku dostaviti Parlamentarnoj skupštini BiH.
2. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da promptno pristupe sveobuhvatnoj realizaciji preporuka revizije koje su sadržane u tekstu Izvještaja o finansijskoj reviziji izvršenja Budžeta institucija BiH za 2016. godinu, te da prema svojim nadležnostima dostave Parlamentarnoj skupštini BiH popunjenu tabelu iz Priloga 1. ovih zaključaka, najkasnije do 1.3.2018.
3. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da, u skladu sa svojim nadležnostima, u svoje godišnje programe rada za 2018. godinu uvrste preporuke revizije iz Izvještaja o finansijskoj reviziji izvršenja Budžeta institucija BiH za 2016. godinu; da izvrše selekciju preporuka revizije u dvije grupe prioriteta: (a) aktivnosti koje je moguće provesti tokom 2018. godine, i (b) aktivnosti koje je moguće samo pokrenuti tokom 2018. godine; te da definišu obje grupe aktivnosti kao planske pozicije/aktivnosti u svojim godišnjim programima rada za 2018. godinu.
4. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da posebnu pažnju posvete jačanju sistema internih kontrola, te da, s ciljem povećanja efikasnosti finansijskog poslovanja i pouzdanosti finansijskih izvještaja, uspostave odgovarajući sistem internih kontrola kojim će smanjiti rizik od ponavljanja istih grešaka ili pojave novih grešaka u svom finansijskom poslovanju.

Ad.6. Razmatranje Informacije o raspodjeli i korištenju sredstava tekuće budžetske rezerve za period januar – juni 2017. godine (Ministarstvo finansija i trezora BiH)

Informaciju o raspodjeli i korištenju sredstava tekuće budžetske rezerve za period januar – juni 2017. godine obrazložio je Vlatko Dugandžić, pomoćnik ministra finansija i trezora BiH.

Potom je predsjedavajući konstatirao da je Komisija primila k znanju materijal iz ove tačke dnevnog reda.

Ad.7. Upoznavanje s Godišnjim planom Ureda za reviziju institucija BiH za 2017./2018. godinu (sačinilac: Ured za reviziju institucija BiH)

Godišnji plan Ureda za reviziju institucija BiH za 2017./2018. godinu obrazložio je Ranko Krsman, zamjenik generalnog revizora u Uredu za reviziju institucija BiH.

Potom je predsjedavajući konstatirao da je Komisija primila k znanju materijal iz ove tačke dnevnog reda.

Ad.8. Tekuća pitanja

Na prijedlog predsjedavajućeg, članovi Komisije usaglasili su se da sljedeća, 54. sjednica Komisije za finansije i budžet Predstavničkog doma PSBiH bude održana u utorak, 24.10.2017., s početkom u 9,30 sati.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 53. sjednice Komisije za finansije i budžet PDPSBiH.